



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1508. usque ad annum 1513

Fleury, Claude

August. Vind. [u.a.], 1769

VD18 90118456

§. 121. Ciamontus Bentivolorum suasu Bononiam, Papamque capere
tentat.

[urn:nbn:de:hbz:466:1-66433](https://nbn-resolving.org/urn:nbn:de:hbz:466:1-66433)

ge, ut præstituta die Bononiam, ubi Pa-
 pa esset, reverterentur, illi vero hujus ab-
 sentiae opportunitate usi, sibi securitatis
 literas a Florentinis procurarunt, ut, quam-
 diu ipsis liberet, Florentiae commorari
 possent; postea tamen securitati suae ma-
 gis consulturi paulopost Mediolanum
 concesserunt, insuper habitis tam promissis,
 minis, auroque, quam beneficiorum
 pollicitationibus, aliisque variis mediis,
 quæ summus Pontifex, ut eos ad suum
 obsequium reduceret, frustra adhibebat.

Sæcul. XVI.
 A.C. 1510.

§. CXXI.

Ciamontius Bentivolorum suasu Bononiam, Papamque capere tentat.

Affidua erat adversus Julium Bentivolorum indignatio, qui se Bononia a-
 liquot ante annos depulsos dolentes, nonnisi vindictam meditabantur, tandem-
 que opportunam sibi offerri occasionem existimabant, comperientes, Papam Bononiae morari. Ergo ne ultionis consilium successu careret, Ciamontium Marescallum adeunt, eidemque se Bononiam vi invasuros, Papamque Gallis tradituros pollicentur, simulque rei exequendae facilitatem exponunt, dummodo & ipse ope sua non deesset, cum vero de prospero hoc successu præcipuum ipsi e-

*Marian. ib.
 Paris de
 Grassis t. 3.
 p. 597.
 Raynald. hoc
 ann. n. 22. 23.*

Sæcul. XVI. molumentum haberent, sese etiam pri-
A.C. 1510. mos ad gravissima quævis discrimina
 offerebant, dicentes Calvimontio: non
 æquitati consonum foret, ni omnes im-
 penderemus vires in ejusmodi negotio,
 cujus executionem a te non ex offi-
 cii debito, sed a benevolentia tuæ im-
 pulsu præstolamur, „ nec deest nobis in-
 „ ter Bononienses frequens Amicorum
 „ numerus, quorum studium in nos fa-
 „ tis perspectum habemus, calamitatem
 „ enim vicemque nostram & ipsi do-
 „ lent; quamprimum ergo te nobis fa-
 „ vere, atque Gallorum exercitum no-
 „ bis opitulari comperient, protinus &
 „ & ipsi ad arma conclamabunt, bona,
 „ vitamque profusuri, ut nos a duro Pon-
 „ tificis jugo (*) liberent. „ Ciamon-
 tius

(*) Ita pro arbitrio suo Bentivolorum ora-
 tionem instruit Continuator; Ast longe aliam
 de Pontifice fuisse Bononiensium opinionem tes-
 tantur Raynaldus, & Paris de Grassis, quos
 Continuator allegat; hic disertis verbis affir-
 mat, Audito Gallorum adventu populus Bo-
 noniensus arma capit pro Pontificis tutela, sua-
 que, ac cum vidissent Pontificem ti-
 mere de seipso, flebili pietate commoti, ap-
 plausissime clamant, bonorum ipsorum ani-
 mum persuadent, unitatem & auxilium polli-
 centes

tius horum sermone excitatus itineri se ^{Sæcul. XVI.} accinxit, atque ad Crepolanam urbem ^{A. C. 1510.} nonnisi decimo lapide Bononia distitam, tentoria fixit.

§. CXXII.

Pontificis aula Bononiæ timore percussa.

Eodem adhuc die Ciamontius Bononiam pertingere, ac urbem ingressus totam Curiam Romanam capere potuisset, si Bentivolorum sollicitationibus cessisset; hi enim, ne ibi subsisteret, vehementer instabant; ille vero rem ad alteram diem differri, omnino statuit, hac autem sua cunctatione consilium exequendi occasionem prætermisit: Nihilominus ^{Raynald.} ob ejus adventum ingens erat Optima-^{hoc ann. 23.} tum consternatio, præcipue vero Aulæ Pontificiæ; cum enim hæc nonnisi Viris Ecclesiasticis, qui omnes inermes erant constaret, hinc imminente periculo eo citius terrebantur; nec inanis erat illorum timor, eo vel potissimum nomine, quod Equites Galli Bononiam usque excurrentes

centes . . . Galli his auditis media nocte ad Papam humillime mittunt nuncios, qui veniam de machinatis, & ut impune abire liceat, suppliciter petunt, quod Pontifex benigne concessit, populo licet reclamante.